

无元炁而不玄清地无元炁而不能生成萬物人无元炁命根則不存所以人能修遺養生先須解存元炁而養精神炁者得佳人命則得長生神者識也識者正也正者真也真者聖也聖者性也性者道也道者空也空者玄也玄者虛无也虛无者自然也自然者真常也真常者无名也无名者混沌也所以號之為混沌无形无影无極无窮也炁者虛也炁者无也炁者通也炁者風也炁者動也炁者象也炁者變也炁者呼吸也炁者輕舉也炁者飛騰也炁者散也炁者命也炁者關也炁者明也炁者光象也炁者能匿影藏形也炁者能運轉也歎其神炁變化功能不可尋測矣

太上昇玄三一融神變化妙經卷下

二經同卷

太上導引三光九變妙經

太上導引三光寶真妙經

及六

太上導引三光九變妙經

玄古高聖无極天真玄和靈妃太明五女與三十二天君天帝天真大神靈寶真人諸天仙衆仙童五女日月真官列曜星辰无鞅僚掾及日月星內遊散仙氏常以太陽正炁之時正月三月五月七月九月十一月左引日華右引月魂仰朝萬聖俯挹列星奉修定光真常之道一名流精二名澤嬰三名法炁四名陽五名雲華六名道仙七名九變八名定光此道都畢歸真於常隨炁昇淪與道玄會不生不滅億劫常存諸天真仙咸所說習日君月帝星宿真官亦所常契真常之道莫不歎服元炁吐天流精喻漱澤嬰引伸法炁導御陽玉灌鍊雲華化演導仙超騰九變身生奇彩手回定光躍影太空登度三界水

出生死飛身上官

五老太聖諸天真人導引三光流精時一百

二十五真人誦誦法契八會之音

妙道分一炁 炁中分陰陽 凝化日月星

燦然流三光 九華含九道 八色怡八方

煥爛洞真體 流精歸太芒 下生淵泉宮

上列无何鄉 縱體復飛跡 歛然都相忘

七寶流精結 混沌雜華芳 嚙服九雲散

此樂殊未央

導引流精誦契單服三符



五老太聖諸天真人導引三光澤嬰時一百

二十五真人誦誦法契八會之音

玄絕九炁中 澤嬰生太无 鬱儀煥賜谷

結璘耀天衢 五星流寶光 斗極回乾樞

飛无鬱勃散 嚙御方踟躕 超跡天寶階

鍊芝服華敷 炁布萬神備 舉形昇太虛

導引澤聖誦契畢服三符



五老大聖諸天真人導引三光法炁時一百
二十五真人誦詠法契八會之音

浩晶生法炁 氤氳凝玄中 兩曜共澄澈
五緯交相通 三光煥已明 寶炁盈三宮
帝鄉會九老 嚙服百骸豐 金華照光鏡
身與日月同 念道上聖前 萬劫壽元窮
導引法炁誦契畢服三符



五老大聖諸天真人導引三光玉陽時一百
二十五真人誦詠法契八會之音

五陽正真炁 妙道三景分 玄和唱靈音
八會敷瓊文 五老宴丹宅 飄飄乘景雲
大聖諸天衆 駕龍飲玉津 三五定生籍

遊戲太上賓 華光朗元際 携手朝帝展
導引玉陽誦契畢服三符



五老大聖諸天真人導引三光雲華時一百
二十五真人誦詠法契八會之音

引炁營羅外 九芒結雲華 七神高上道
三景耀朱霞 捧香服履精 功滿解世羅
鍊化塵結盡 億齡不為多 落籍三界庭
結友太上家 御景控玄斗 八極何足賒
導引雲華誦契畢服三符



五老大聖諸天真人導引三光導仙時一百
二十五真人誦詠法契八會之音

自然至真道 妙極玄中玄 萬天朝玉陛
九老參華軒 三光有靈炁 所度惟聖賢
勤行導仙業 嚙御吞華根 神形合三象

渺渺歸本元 皇鳥翔十天 飛舉不顧還
導引導仙誦契畢服三符



五老大聖諸天真人導引三光九變時一百
二十五真人誦詠法契八會之音

迢迢三天上 落落九玄臺 真童採芝集
玉女持花回 天賓抱仙容 俯仰昇瑤階
天河處東井 寶炁榮空來 嚙納漱瓊津
兆劫不復衰 矯首三清路 振衣何樂哉
導引九變畢誦契後服三符



五老大聖諸天真人導引三光定光時一百
二十五真人誦詠法契八會之音

至矣上真道 妙哉靈寶章 吸景導五星
嚙漱存華芒 流精灌百體 皎晶凝雪霜
洞達照內外 滓塵都消亡 豐肌不復老

天威老子顯赫天尊
 紫極老子回真天尊
 南方八天老子天尊
 龜山老子五炁天尊
 圓行老子寶鍊天尊
 導道老子侍極天尊
 千誦老子回道天尊
 四明老子隨生天尊
 雲慶老子雲光天尊
 遊玄老子上京天尊
 寶量老子元老天尊
 西方八天老子天尊
 太衝老子普度天尊
 九炁老子真化天尊
 黃老老子度生天尊
 紫陽老子養神天尊
 定相老子飛行天尊
 高業老子觀天天尊
 飛黃老子九光天尊
 大法老子玄極天尊

北方八天老子天尊
 回元老子三素天尊
 六合老子壯度天尊
 紫度老子流嬰天尊
 與相老子真炁天尊
 勸化老子至容天尊
 百仙老子延真天尊
 共刃老子五炁天尊
 九變老子清靜天尊

元始天尊統億劫以來諸天大聖十方應化
 老子天尊備洞天靈寶導引齋法當以正月
 三月五月七月九月十一月六月陽曆月正中
 之時隨方敬禮老子天尊首體投地三十二
 禮散華燒香晝日祈請然燈靜念夜以朝懺
 一心丹竭萬善咸臻至真太神當自冥應克
 得通感度學道之人也

太上導引三光九變妙經

太上導引三光寶真妙經
 元始天尊時在赤明世界丹靈國土朱鳳城
 中明霞宮內御三炁丹華之殿與諸天大聖
 至真尊神五老帝君金闕後聖三清元極上
 聖高尊東華太皇西靈金母三十二天帝八
 十一天君玄和靈妃太明五女元執之東校
 定天元制御洪災考量劫運按三元籙籍度
 一切人三界九幽沈潛異類萬靈稱恭咸觀
 法門地獄寧闕八陰開明積病瀉孽錄銷
 除預觀天光威蒙大慶十方元極世界承道
 威神倏忽之間僉然俱至時東西極遠之處
 忽有奇光上照太空來入法會九色艷逸灼
 燦鮮華焯燁流芳不可熱視即有天君天帝
 真人仙人玉女玉童天人眷屬皆項生圓象
 足步蓮花充塞三方一時齊至既入法會禮
 觀天尊燒香散華供養朝謁法事既畢各退
 本方左右二邊依位而坐於是太真舉信神
 王仗幡天樂空歌萬種互作震駭天地喜樂
 難言法會未悉音德妙行真人即從塵起安
 徐雅步直詣道前稽首作禮上白天尊今此